

Советск күүнд өгчәх шин сән килмдж

Август сарин 11-д, мана тосхлтин кōдлмш кўцәдг улсин сән өдр болджана. Тер сән өдртән белг кей гидж күүндәд, А. Кабаковин гарддж бәәх мана урчудин бригад килмджтә кевәр кōдлдж, зурагъан давулдж кўцәхәр шиидвдн.

Бидн болхла бригадари хошагъад давхр, 8-д пәтртә гермүд бәрдж бәәцхәнәвдн. Бәрджәх 4 герәсн 2 геринь сентябрь сард чиләх зурата биләвдн, наадк хойринь ноябрь сард.

Шунмгъа кевәр болзгтнь бәрджәх гермүдән чиләхин тōләд бригадари күүндәд, бригадан 4 звенод ховавдн. Тиигчкәд, звено болгъинг хошагъад күүгъяр салгъвдн. Тер тоот манд ик сән дөнъ болв. Учрнь болхла ним болджана. Цугъар нег газрт цугларад, нег-негидән саалтг болдж, хойринь кōдләд, негнь суудж бәәснә ормд, онц хошагъад күүнд бригадир зурагъинь өгәд, теднәсн кōдлмшинь хәләджавдг кесн сән болв.

Тиигәд чигн бидн сентябрь сард чиләх гермүдән июлин 25 чиләгъәд, наадк ноябрт чиләх гермүдинь эрсмүдинь босхчквдн. Мана бригад сар болгън зурагъан давулдж кўцәгъәд, 200 шаху процент өгнә.

Ангучинов А., Кулешов А., Бембинов М. болн нань чигн урчуд сар болгън 200 процент давулдж зурагъан кўцәнә.

Үнәсн үлүгъяр, шундж кōдлдж болхми. Зуг мана тосхлтин халхин управлень йир муугъар модн-хадасар маниг тетгнә. Учринь келхд, бидн бригадари августин 2-т болн 3-д өрәләгъәд өдр, хадасн уга болсн деерәс, кōдлмш кел уга кевтвдн.

Дакад болхла партийн, комсомолин болн построечн ко-

митетс дөнъгән кўргцхәхш. Социалистическ дōрдәнә кōдлмш кегдхш, эрсин газет гархш, кōдлмшин халх хург болхш. Тер тоот кōдлмшиг ясерулхла йир сән болхми.

Дакад болхла толгъачнр хаджгър йовдлмуд гаргъцхана. Нег дакдж, тосхлгъна управленә ахлач ўр Семибратов мана кōдлдж бәәсн объектд ирәд энүнәсн гарад, онъгдан объектд олад, энүгән Наранов гидг күүнә бригадг өгтн гив. Бидн болхла герин ул тәвх нүкинь цугтнь малтчкесн, гермүдән босхад кегъәд бәәх объектәс гархшвдн гихлә, тегәд ўр Семибратов цааранднь эврән кетн гив. Сонъсад гарсн болхла, бидн зурагъан чигн кўцәшго, мел талдан бригадсин сә хәәгъәд йовх болджана. Тиним йовдлмуд уурх зōвтә.

Негдвәр гихлә, шидргарсн КПСС-н ЦК-н болн СССР-н Министрмүдин Советин тогтавр маниг—тосхлтин кōдлмш келг улсинг сәәнәр, батар, килврәр болн хурлар әмтн бәәдг гермүд бәртхә гидж дуудджана. Тер тоот болхла мана тōлә, маниг дулан гертә, цевр-цер бәәтхә гидж гаргъсн тогтавр болджана.

Хойрдвар гихлә, мана танъгъч шинъкән бүрдсн, гермалнь кўцц биш, дуту-дундта бәәхиг бидн эврән үзлж бәәнәвдн. Бидн шунад, шулун гидгәр гермүд бәрәд, ирсн улсд сән бәәр белддж өгәд, хотл балгъсан кеерүлсн ик чинртә кōдлмшинь медвдн.

Бидн бригадари, ноябрь сарин туршар бәрх хойр хошагъад давхр, 8-д пәтртә гермүдиг, цугъарн күүндәд, чидлән тоолад, августин 25-д чиләхми гиджш иидвдн.

Тер тосхачнрин сән өдрт мана белг болдж бәәнә.

Д. ЧУЛЬЧИНОВ.

СУ№2 урч, бригадин профорг.